

## **LAMIZER**

### ***(Refrain)***

Viv samem nou anvi fer toulezour, sorti dan lamizer ek viv enn vre boner  
Lor sa laterla  
Viv samem nou anvi fer toulezour, sorti dan lamizer ek viv enn vre boner  
Lor sa tizil la

### ***(1<sup>er</sup> Couplet)***

Nou nou pe vinn la pou nou eksplike seki toulezour nou trouv seki pase dan sosyete  
Isi boukou pe viv dan lamizer, pe trenn bor larivyer san ki ena enn formasyon  
Isi dan zot lakaz pena manze, zot pe trase partou kote pou zot geyn enn bouse manze

### ***(2<sup>eme</sup> Couplet)***

Isi partou kot ena povrete, ena fer sanblan pa trouv seki pase dan sosyete.  
Isi seki nou trouve toulezour, nou pe vinn rakonte e sa li nou drwa legal.

### ***(3<sup>eme</sup> Couplet)***

De fwa kan to pase dan bann kartye sa fer larm lizye koule kan zanfan ape soufer.  
Toulezour zot fer zot lapriyer pou zot trouv enn lalimyer, me sa pa servi narnye,  
Toulezour zot fer zot lapriyer pou zot trouv enn lalimyer, me sa pa servi narnye,  
Toulezour zot fer zot lapriyer pou zot trouv enn la limyer me sa pa servi narnye